

## Transkription von Urkunde SWN 1307a

Ort, Datierung: Schwerin, 1307-02-17

Signatur: Landeshauptarchiv Schwerin, Rep. 1, Hausverträge 12 [14] [\[online\]](#)

Inhalt: Guncel to Zwerin: Bündnis

Bemerkung: anderes Datum: 06.09.1307

Wi Guncel vnde Hinric brodere , van Godes gnaden Greuen tō Zwerin bekennen openbare an dessen breue / dat wi vns erliket hebben mit den edelen mannen vsen leuen vederen , Greue(n) Nýcolaus vnde Guncle sime / sone , eweliken tosamene to bliuende , geghen alle de , de se mit vnrechte anvegthen , vorbat alle deschelinge / de dar was , oder werden mach twischen vnsen vorbenōmeden vedderen af ene sit , vnde vns af de anderen / sit , de hebbe we ghelaten vppe agthe riddere vnser man , an beyden siden , dit sint vnse Riddere , Her Ghert / Rauē , Her Bolthe van Driberghe , Her ólrick van Pinnowe , Her Borchart van Dambeke , dit sunt vnser / vedderen Riddere , Her Arnt van Wozsthen , Her Johan van Lutzowe , Her Herman van Bluchere vnde / Her Hinrick Sprenghel , dat di vns vnschede scōlen , na erer samwithegeyt endeliken b[i]nnen den nageste(n) / ver weken , an minne oder an rechte , so se beste kōnnen , vnde wat si vns dar vmme hethen dōn , dar scole / wi bibliuen , sunder wederrede , Wi nescolen ock vns tonemene vorbinden mit deneste , ane vnser vorbenō/meden vedderen rat , vnde der Riddere , de dar vore bescreuen sint , Weret over also dat vns en orloghe antrede , / dat wj vns erwerben nýcht konden ifte mōchten mit vnsen mannen , vnde helpe bedroften , so wo it [...] / de vorbenomeden agthe Riddere tuýschen vnsen vorbenōmeden vedderen , vnde vns voghe(n) vmme vnse(n) we[...] / scole wi bibliuen sunder wederrede , Weret over also dat , dat wj der Riddere nicht hebbene mogthen , de hir vor / bescreuen sint , so scoldeme andere Riddere nemen in er stede , de vnse man weren , vppe dat desse deghdinge gantz , / vnde stede bliuen , so late wj vnsen twen vedderen hulden , vnse hus vnde stat to Zwerin mit mannen , vnde mit / lande , dat dar tohort , Ock ofte Wj des nicht helden dat hir vore bescreuen is , so scolden vnse ridde(re) vnde vnse / m[a]n van deme lande to Zwerin , vnde de <sup>1</sup> stat dar mede , to vnseme vedderen Greuen Nýcolaus vnde sime sone / G[un]cele keren , also langhe dat Wj dat helden óder weder deden , na der vorbenomeden Riddere Rade , an minne / oder an recthe , dat dit stede bliue , dar hebbe wi twe vntruwen oppe louet , vnsen beyden vedderen de dicke / vor ghenōmet sint , vnde tughet it oc mit den ridderen hir vor ghenōmet sint , vnde oc mit vnser twiger / Inghesegelle de hir hanghen , Desse bref is geuen na vnses heren bort , Dusent iar , Drehundert iar daz seue(n)=/den iares , des vridaghes na alleman(n)en vasten , vppe deme hus to Zwerin , /

---

<sup>1</sup> de über der Zeile zwischen vnde und stat eingefügt